



# დაიჯესტი

8-14 ოქტომბერი, 2022



**TRC**

ტერორიზმის კვლევითი ცენტრი  
TERRORISM RESEARCH CENTER

## ამერიკის შეერთებული შტატები

გამოცემა „ნიუ-იორკ ტაიმზის“ მიერ გავრცელებული ინფორმაციით, ამერიკის შეერთებული შტატების პრეზიდენტის ადმინისტრაციამ 7 ოქტომბერს პენტაგონსა და ცენტრალურ სადაზვერვო სააგენტოში განსახილველად საკანონმდებლო ინიციატივა გააგზავნა, რომლის ფარგლებშიც [იზღუდება კონტრტერორისტული სპეცოპერაციების დროს უპილოტო საფრენი აპარატების გამოყენებით კონფლიქტის ზონებს გარეთ არსებულ ობიექტებზე იერიშის მიტანა.](#)

## გერმანია

გერმანიის პროკურატურამ გაავრცელა ინფორმაცია 11 ოქტომბერს ქალაქ ესენის სასამართლოს მიერ 17 წლის მოზარდის, [ჯერემი რ.-ის ტერორისტული თავდასხმის დაგეგმვაში დამნაშავედ ცნობის შესახებ.](#) ესენის საპატრულო სამსახურის განმარტებით, ჯერემი ულტრამემარჯვენე იდეებით მოტივირებული ტერორისტული თავდასხმის განხორციელებამდე ერთი დღით ადრე დააკავეს.

## ისრაელი

ისრაელის თავდაცვის ძალები ავრცელებს ინფორმაციას 11 ოქტომბერს, ღაზას სექტორში ერთი ჯარისკაცის მკვლელობის შესახებ. თავდაცვის ძალების განცხადებით, იდო ბარუში [შეიარაღებული ექსტრემისტების თავდასხმის შედეგად გარდაიცვალა.](#) მომხდარ თავდასხმაზე პასუხისმგებლობა ძალადობრივმა ექსტრემისტულმა დაჯგუფება „ლომთა ბუნაგმა“ აიღო. დაჯგუფების მიერ 11 ოქტომბერს, ღამით გავრცელებულ ვიდეოში გაჟღერებულია მუქარა ისრაელის თავდაცვის ძალების წინააღმდეგ მოულოდნელი თავდასხმების განხორციელების შესახებ.

## სირია

13 ოქტომბერს, სირიის ჩრდილოეთ ნაწილში სამხედრო კოლონაზე თავდასხმის შედეგად 18 სირიელი ჯარისკაცი დაიღუპა. თავდასხმის შედეგად დაშავებულია 27 ადამიანი. ამ დრომდე მომხდარზე პასუხისმგებლობა [არც ერთ ტერორისტულ ორგანიზაციას არ აუღია.](#)

[ტერორისტულმა ორგანიზაცია ჰაიატ ტაჰრირ ალ-შამმა](#) (წარსულში ცნობილი, როგორც ალ-ნუსრას ფრონტი) 13 ოქტომბერს ქვეყნის ჩრდილოეთით მდებარე ქალაქი აფრინი დაიკავა.

თურქეთის ეროვნულმა სადაზვერვო ორგანიზაციამ 14 ოქტომბერს სირიის ჩრდილოეთ ნაწილში ჩატარებული სპეცოპერაციის ფარგლებში ქურთისტანის მუშათა პარტიის [ბრიგადის მეთაური, ნეჟდეტ დაგლარერი \(კოდური სახელი „გელი სერჰატი“\), გაანეიტრალა.](#)

## ერაყი

7 ოქტომბერს ერაყის ჩრდილოეთ ნაწილში, ქურთების მიერ კონტროლირებად ტერიტორიაზე მომხდარ აფეთქებას 1 ადამიანის სიცოცხლე ემსხვერპლა. მანქანის აფეთქების შედეგად დაშავდა 4 პირი. ერაყის კონტრტერორისტული ძალების განცხადებით, მანქანაში დამონტაჟებული ასაფეთქებელი მოწყობილობის შედეგად გარდაცვლილი მძღოლი ირბილის სამხრეთ-აღმოსავლეთით, [ქალაქ სულეიმანიაში მოქმედი ქურთული კონტრტერორისტული სამსახურის ოფიცერია.](#)

## ნიგერია

ისლამისტი ექსტრემისტების მიერ ბორნოს შტატში, ნიილანგის სოფელზე მიტანილი თავდასხმის დროს განხორციელებული თავდასხმის შედეგად 3 ქრისტიანი დაიღუპა. ადგილობრივების განმარტებით, [თავდამსხმელები დაეშის დასავლეთ აფრიკის პროვინციის ნევრები იყვნენ.](#)

## სომალი

ექსპერტთა აზრით, სომალი ნოემბერში გაეროს უშიშროების საბჭოზე უგანდასა და ეთიოპიასთან ერთად მხარს დაუჭერს იარაღის ემბარგოს მოხსნას, რაც ამ უკანასკნელს გაუზრდის კონტრტერორისტულ შესაძლებლობებს [ტერორისტული ორგანიზაცია ალ-შაბაბის წინააღმდეგ.](#)

## მალი

13 ოქტომბერს მოპტის რეგიონში, ბანდიგარას და გოუნდაკას სოფლების

დამაკავშირებელ გზაზე, [ავტობუსის აფეთქებას 11 ადამიანის სიცოცხლე ემსხვერპლა](#). მომხდარზე პასუხისმგებლობა ამ დრომდე არც ერთ ტერორისტულ ორგანიზაციას არ აუღია.